

# ROGERS MULINDWA ne Mbeewuunya! Aba NUP munneewuunyisa ku kya demokulasiya

ABA NUP munneewuunyisa! Emirungi mingi nzize mpulira abakungu n'abawagizi ba NUP n'ebibiina ebirala nga bavumirira ekibiina kya NRM mbu tekiriimu dimokulasiya. Mbeewuunya kubanga muli bubi nnyo ku nsonga ezeekuusa ku nkola eno n'okusanga ffe be mu-walampa.

NRM esobodde okutegeka okulonda kwayo okuviira ddala ku byalo okutuuka waggulu awasembayo. Wadde nga twalinamu okusoo-moozebwa okutonoto, twenyumiriza nti okulonda kwaffe kwatambula bulungi ddala era twakukomekerezwa wakati mu bikujjuko. Ekibiina kyaffe kiwa bammemba baakyo omukisa okukuba akalulu akeesalirawo abakulembeze baabwe ku mitendera egyenjwulo.

Mmanyi nti abamu ku basomi bange bayinza okumbuuza nti lwaki ye Pulezidenti Yoweri Museveni yayitamu nga tavuganyiziddwa ku bifo bye? Saagala mwegeraageranye ku Pulezidenti waffe kubanga tumuwa ekitiibwa kya njawulo nga omutandisi wa NRA/NRM.

Tekiba kya bwenkanya omuntu yenna okweteeka mu muteeko gwe gumu naye. Naye wadde kiri bwekityo, tetugaana muntu yenna kumwesimbako wadde ng'era bandiyise mu kusunsulwa okulabira ddala nga basaanidde okuvuganya ku kifo eky'oku ntikko nga kino.

Ku bifo ebirala akakiiko ak'oku ntikko kasunsulamu abo abaavaayo okuvuganya ku bifo bya CEC era ebyava mu kulonda mwabimanya. Mikwano gyaffe okuva mu NUP bwe baali balonda abakulembeze baabwe ab'oku ntikko, bakoze abantu 127 bokka ne beggalira mu kisenge ne

bagabana ebifo byabwe. Mu lukiiko olwo mwe baalondera Owek. Robert Kyagulanyi okubeera ssentebe waabwe era n'okubakwatira ben-dera mu kulonda kwa Pulezidenti okujja. Okulagira ddala nti tebalina dimokulasiya, mu lukiiko baagobamu abaamawulire.

Ebyo nga byali bikyali awo ate okusunsulamu abanaavuganya ku bifo eby'enjawulo ne kujja. Akavuyo akaabadde mu bino aba NUP bangi na kati bakyakaaba. Abamu ku balangiriddwa okwesimbawo mbu abatuuze tebabamanyi era tebabalabangako mu bitundu byabwe.

Abalala babalangiridde ate enkeera ne babasazaamu. Kino nnakirabyeko mu kibuga Wobulenzi gye baalangirira Samuel Serunjogi ate ne bamusikiza Moses Ssebalamu oluvannyuma lw'olunaku lumu lwokka. Nnayongedde okwewuunya bwe nalabye Mw. John Mary Ssebawufu mmemba ku kakiiko akasunsula nga ate naye yeewadde ekifo okuvuganya ku bwaloodi kansala akiikirira Nakawa I.

Kati ddala wano obwenkanya bwabadde wero eri abo be yabadde avuganya nabo? Ekdibwamu kiri nti nedda. Abammiddwa ebifo bakyogera lunye nti ebifo ebimu byabadde bya kugula yadde obukakafu obwo nze nnyinza okuba nga sibulina.

Mu bbanga si ddene bagenda kulangirira abanaavuganya ku bifo by'ababaka ba Palamenti naye mujja kuwulira emiranga. Tusisinkane wiiki ejja.

**Mulindwa Rogers**  
(Omwogezi wa NRM mu ggwanga.  
(rogersmulindwa43@gmail.com)

# Ekitongole kitandise okugolola abasoma ebyemikono mu nteekateeka ya Pulezidenti

Bya SHARON NABASIRYE

EKITONGOLE ekibaga n'okugolola ebigezo by'ebyemikono n'ebyekikugu eky'Uganda Vocational and Technical Assessment Board (UVTAB) kitandise okukebera ebikolebwa abayizi abali wansi w'enteekateeka ya Pulezidenti ey'okutumbula abavubuka ku mu byemikono eya Presidential Initiative For Skilling.

Abayizi abali mu nkola eno bali 4,248 mu bifo 9 gye babangulirwa nga bano basomesebwa emirimu nga okusiba enviiri, okutunga, okufumba, okukanika amasimu, emmotoka n'ebirala.

Kigoowa kye kimu ku bifo omutendekerwa abavubuka ng'ekifo kino kirina abayizi 429 era bano n'ebifo ebirala babanguddwa emyezi 6 nga gino oluweddeko ekitongole ky'ebigezo ekibatwala eky'UVTAB kyasazeewo okutan-dika okukyalira ebifo bino byonna okwekebejja obukugu abavubuka bwe bafunye mu myezi gino 6.



Abamu ku babanguddwa nga bakebera bye bakoze.

Omu ku baddukanya ebbanguliro lw'e Kigoowa, Sarah Naikazi Turyareeba agamba emyezi 6 bwe gigaako batikkira abayizi ne babawa ne satifikeeti ezibakakasa obukugu bwabwe wamu n'okusinziirwako okweyonger-ayo okusoma.

Agamba nti abaana bano abasinga baba bavudde mu Ghetto z'e Kampala. Akulira empapula z'obuyigirize mu

UVTAB, Johnson Turyamwesimira agamba batandise okukebera abavubuka mu bifo 9 bye basobola okukola oluvannyuma lw'okubangulwa emyezi 6.

Agamba bakizudde nti abalenzi abeegatta ku mukisa guno babadde bakyali batono olw'ensonga nti ebifo ebimu bibadde bisinga kuba na masomo gasinga kwettanirwa bawala kyokka awali ama-

somo agasinga okwettanira abalenzi bw'otuukayo omu-wendo gw'abalenzi gusinga ogw'abawala.

Tom Kateregga, omu ku bavubuka ababangulwa mu kifo kino, yagambye nti asomye bya nviiri era oluvannyuma lw'emyezi 6 asomye nga bw'afuna ssente kuba by'asomyanga, abad-denga abikola ku kyalo enviiri n'afuna ssente.

# Minisita Baryomunsi agumizza ku ky'okubunyisa yintaneeti ne tekinologiya

MINISITA wa tekinologiya Chris Baryomunsi agumizza eggwanga ku ky'okubunyisa yintaneeti ne tekinologiya mu ggwanga lyonna.

Yabadde ku wooteeri ya Sheraton mu Kampala mu mpaka za yunivasite ez'obuyiira eza Hackathon ezivujjirira ekitongole kya Woord en Daad ekiwagirwa European Union nga kiri wamu n'ebirala okuli; Young Farmers Federation Of Uganda, USSIA, TUNADO n'ebirala.

Zeetabiddwaamu yunivasite ez'enjawulo mu ggwanga naye nnya okuli; ISBAT, Makerere, MUNI ne UCU ze zaatuuse ku mpaka ez'akamaririzo era zaagenze okuggwa nga ISBAT enywedde mu zinnaazo akendo bwe

yatonzeewo omukutu gwe yatuumye KWE-TU, ogukozesebwa abalina essimu okufuna emirimu n'obutale bw'ebikolebwa.

Gukozesebwa abantu mu byalo n'ebibuga, abalina emirimu, abatagirira, abalina bye bakola nga banoonya obutale, abeetaaga eby'okugula, ebitongole ebirina ssente ezivujjirira, nga kyetaagisa ggwe okwewan-diisa ku mukutu guno n'ofuna okuyambibwa okw'engeri yonna.

Ne bw'oba olina ky'oyagala okutandi-kawo, oteekayo ekirowoozo kyo n'oweewba amagezi abakugu abaliko, ate ne bamusigan-simbi kwe bali okulaba ani alina ekirowoozo ekirungi ne bamuteekamu ssente okukikuza.

Kuliko n'omutendera

gw'abakungu ba Gavumenti okugoberera ebagenda mu maaso n'okuyambako aweetaagisa, nga singa abantu banaatandika okugwettanira, gwakuyamba okumalawo ebbula ly'emirimu mu ggwanga naddala mu bavubuka.

Wano minisita Baryomunsi we yasinzidde okwebaza ISBAT yunivasite olw'obuyiira obulungi bw'etadde mu bayizi, n'ategeeza nti ne Gavumenti eri mu kaweeefube okubunyisa yintaneeti eggwanga lyonna okutuukira ddala mu byalo nabo baganyulwe mu buyiira obw'enjawulo awatali kweyiwa mu bibuga.

Akulira ebya tekinologiya ku ISBAT yunivasite Henry Male yagambye nti, baweebwa akadde katono okwetegekera empaka,



Minisita Baryomunsi (ku kkono) ng'asiima aba yunivasite ya ISBAT. Mu katono ye Male.

naye ne bavaayo n'ekintu ekikulu bwe kiti ekibatuuze ku buwan-guzi, n'ategeeza nti omukutu gwa KWETU gwakuyamba Banna-yuganda bonna abalina emirimu n'abalina.

THE REPUBLIC OF UGANDA  
IN THE CHIEF MAGISTRATE'S COURT OF  
LUWEERO AT LUWEERO

LUW-00-FD-AC-0036-2025

IN THE MATTER OF THE ESTATE OF THE LATE  
SSEMAKULA STEVEN MUSAGALA FORMERLY A  
RESIDENT OF KAKAKALA VILLAGE, MUSAALE  
PARISH, KATIKAMU SUB-COUNTY IN LUWEERO  
DISTRICT.

AND

IN THE MATTER OF AN APPLICATION FOR  
GRANT OF LETTERS OF ADMINISTRATION BY  
SERUNJOGI ERIA (SON) TO THE DECEASED.

NOTICE OF APPLICATION

TO WHOM IT MAY CONCERN

TAKE NOTICE that an application for letters of  
administration to the estate of the late **SSEMAKULA  
STEVEN MUSAGALA** has been lodged in this court  
by **SERUNJOGI ERIA (SON)** to the deceased.

This court shall proceed to grant the same if no  
caveat is lodged with this court within **14 days** from  
the date of publication of this notice, unless cause  
has been shown to the contrary.

Given under my hand and the Seal of this Court this  
15<sup>th</sup> September 2025.

Adikin Esther  
Chief Magistrate